



KEMENTERIAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: www.kwp.gov.my

SIARAN MEDIA

UNTUK LIPUTAN MEDIA MASSA

PENGGUNAAN PRODUK BIODEGRADASI DI WILAYAH PERSEKUTUAN, KESEDARAN MASYARAKAT DIPERTINGKATKAN

KUALA LUMPUR, 19 November 2018 – YB Tuan Haji Khalid bin Abd. Samad, Menteri Wilayah Persekutuan hari ini merasmikan Seminar Penyelarasan Dan Penguatkuasaan Penggunaan Produk Biodegradasi di Wilayah Persekutuan di Institut Latihan Dewan Bandaraya Kuala Lumpur. Seminar ini dihadiri oleh 300 peserta terdiri daripada wakil pemilik premis pusat membeli belah, pengilang, persatuan penjaja dan peniaga kecil.

Kementerian Wilayah Persekutuan (KWP) menasaskan untuk mempertingkatkan lagi kesedaran penggunaan produk biodegradasi di Wilayah Persekutuan yang telah bermula bermula sejak 2016. Pelbagai program kesedaran dalam kalangan pemain industri perlu diperkembangkan lagi supaya usaha menjadikan landskap bandaraya bebas plastik, alam sekitar yang bersih serta tahap kesihatan penduduk meningkat dapat tercapai. Melalui Seminar Penyelarasan Dan Penguatkuasaan Penggunaan Produk Biodegradasi di Wilayah Persekutuan ini dapat menjelaskan lagi kepada semua pemain industri supaya memastikan penggunaan produk biodegradasi yang tulen di dalam urus niaga mereka.

Pembentangan mengenai hasil pemantauan yang telah dibuat oleh Dewan Bandaraya Kuala Lumpur dan Perbadanan Putrajaya di pusat-pusat membeli belah, didapati segelintir premis menggunakan plastik biodegradasi tiruan yang tidak diiktiraf SIRIM. Pemilik premis sepatutnya memainkan peranan sebagai agen penyampai maklumat kepada rakyat. Namun begitu, sesetengah mereka masih tidak mempunyai *sense of belonging* dalam bersama-sama mendidik generasi muda akan kepentingan penjagaan alam sekitar.

Kementerian berharap kesedaran dalam kalangan pemain industri bertambah tinggi dan menyokong sepenuhnya penggunaan produk biodegradasi serta larangan penggunaan straw plastik di Wilayah Persekutuan. Usaha ini selaras dengan Pelan Tindakan Teknologi Hijau Wilayah Persekutuan dalam melestarikan kehidupan semua khususnya di Wilayah Persekutuan Kuala Lumpur, Putrajaya dan Labuan.

**Bahagian Komunikasi Korporat
Kementerian Wilayah Persekutuan
19 November 2018**